

# ՍԱՀԱԿ ՎԱՐԴԱՊԵՏ ՕԴԱԲԱԾԵԱՆԻ ՍՊԱՆՈՒԹԻՒՆԸ ՕՍՄԱՆԵԱՆ ԵՒ ՀԱՅԿԱԿԱՆ ԱՂԲԻՒՐՆԵՐԻ ԼՈՅՍԻ ՏԱԿ

Ռոբերտ Սուքիասեան

Սեբաստիա նահանգում նախացեղասպանական փուլի առաջին անկիւնաքարային դրուագներից մէկը Սահակ վարդապետ Օղաբաշեանի սպանութեան հարցն է, որը կարեւորուել է ե՛ւ ոճրագործ, ե՛ւ զոհ խմբերի կողմից: Սպանութեան հանգամանքերի մանրամասնութիւնները, ժամանակի ընկալումները, իրադարձութիւններին նախորդող եւ յաջորդող ղէպքերի նկարագրութիւնները ներկայացում են երիտթուրքական դատավարութիւնների համատեքստում ի յայտ եկած օսմանեան արխիւային նիւթերի, հայկական արխիւներէ՛, մամուլի՛, յուշերի՛, ինչպէս նաեւ՝ յետցեղասպանական շրջանում կատարուած հետազոտութիւնների միջոցով, ինչ-

պիսիք են՝ Սեպուհ Ակունու<sup>4</sup>, Կարապետ Գաբրիկեանի<sup>5</sup>, Միքայէլ Վարանդեանի<sup>6</sup>, Թէոդիկի<sup>7</sup>, Գէորգ Մեսրոպի<sup>8</sup> եւ Ռայմոնդ Գէորգեանի<sup>9</sup> հետազոտութիւնները:

Օղաբաշեանի սպանութիւնը եղել է երիտթուրքական դատավարութիւնների շրջանակում քննուող գործերից մէկը: Իրանց համատեքստում ձեւաւորուած հետաքննիչ յանձնախմբի նախագահ Մազհար բէյը Սեբաստիայի նահանգապետին եւ ոստիկանապետին հրահանգել է քննել Օղաբաշեանի սպանութեան ղէպքը եւ պահանջել սպանութեան հանգամանքների հետ կապուած վաւերագրերն ու վկայութիւններն ուղարկել Կ. Պոլիս<sup>10</sup>: Պահանջուած փաստաթղ-

թերը պաշտօնապէս վաւերացուել են եւ քննարկների հետ նոյնական են<sup>11</sup>:

Սրանց բնօրինակները մինչեւ օրս պահպանուում են Թուրքիայի պետական արխիւում: Դեռեւս դատավարութիւնների շրջանում Պոլսոյ պատրիարքարանին՝ որպէս դատավարական կողմ, տրամադրուել են դատավարութեան նիւթերի վաւերացում կրկնօրինակները, որոնք քեմալական իշխանութիւնների կողմից հաւանական ոչնչացման սպառնալիքից զերծ պահելու համար յետագայում Գրիգորիս Բալաբեանը տեղափոխել է Մանչեսթեր, ապա՝ Մարսէլ: Իրանք վերջնական հանգրուան են գտել Երուսաղէմի Սրբոց Յակոբեանց վանքի արխիւում<sup>12</sup>: Արխիւի հատուածներն ուսումնասիրուել եւ կրկնօրինակուել են Հայոց ցեղասպանութեան առաջին եւ խոչորագոյն հետազոտողներից մէկի՝ Հայր Գրիգոր Գերգերեանի կողմից<sup>13</sup>:

Յօդուածում քննուում է Սահակ վարդապետի սպանութեանն առնչուող՝ Սրբոց Յակոբեանց վանքի արխիւի եւ Թուրքիայի արխիւում պահպանուող փաստաթղթերի համեմատութիւնը եւ պատճէնների վաւերականութեան հարցը: Նիւթերը վերաբերում են Գաղտնի կազմակերպութեան, Ներքին գործերի նախարարութեան, գաւառային նահանգային իշխանութիւնների եւ մարզային իշխանութիւնների միջեւ կատարուած գաղտնի գրագրութիւններին, որոնք ցոյց են տալիս դրանց միջեւ եղած յարաբերութիւնները, փոխանցուող տեղեկութիւնների որակը եւ քանակը:

Առաջին համաշխարհային պատերազմի սկզբին մի քանի կարեւոր թեմեր առաջնորդ չունէին, եւ ժողովրդին «անգլուխ չձգելու պէտքը աւելի անհրաժեշտ դարձաւ»: Պատրիարքարանի Խառը ժողովում որոշուում է Գերմանիայից նոր ժամանած Գրիգորիս Բալաբեանին նշանակել Երզնկայի առաջնորդ<sup>14</sup>: Վերջինս մերժում է առաջարկը<sup>15</sup>: Քանի որ անհնար էր համոզել Բալաբեանին գնալ գաւառ, նոյն պաշտօնի համար առաջարկուում է Բրուսայի Առաջնորդ Տ. Սահակ Ծ. վրդ. Օղաբաշեանի թեկնածութիւնը, որը պատրիարքի հետ պայմանները քննարկելուց յետոյ համաձայնում է<sup>16</sup>: Ծայրագոյն վարդապետ Օղաբաշեանը «գաւառական եւ անձնդիր պաշտօնեայ մըն էր»<sup>17</sup>: Մնուել է 1875 թ. յունիսի 25-ին Սեբաստիայում (աշխարհական անունը՝ Քերովբէ): Նախնական կրթութիւնը ստացել է Արամեան նախակրթարանում: 1898 թ. Արմաշի դպրեկանքում ստացել է սարկաւազութեան աստիճանը Մաղաքիա Պատրիարքից: 1901 թ. Եղիշէ եպիսկոպոս Դուրեանի կողմից ձեռնադրուել է Վարդապետ: Եղել է պատրիարքարանի անձնական քարտուղարը: Նոյն թուականին Ղալաթիայի Կեղրոնական վարժարանում եւ Բերայի Նոր դպրոցում դասաւանդել է Հայ մատենագրութիւն եւ կրօն: 1902-1905 թթ. տեղափոխուել է գաւառ, աշխատել է որպէս փոխանորդ եւ վարժարանների ընդհանուր տեսուչ: Արամեանի վարժարանում դասաւանդել է Հայոց լեզու եւ Հայ մատենագրութեան պատմութիւն: Եղել է Ս. Նշան

1 Տե՛ս Գ. Գալեմքեարեան, *Սեբաստիոյ հայոց մարտիրոսագրութիւնը*, BNU/Fonds A. Andonian, Matériaux pour l'histoire du génocide Amele Tabouri: Massacre des soldats arméniens Fonds Andonian – Matériaux pour l'histoire du genocide, P. i. L/4-3, Amele Tabouri: massacre des soldats arméniens, պատճէնը հասանելի է՝ ՀԱԱ, ֆ. 439, ց. 1, գ. 480. Ս. Լուսարարեան, *Մի կեանքի պատմութիւն*, պատճէն, ՀՅԹԻ, Ձեռագիր լուսագրութիւնների բաժին, գ. 127. Հայկազուն, *Սեբաստիայի եղեռնագործութիւնը 1915-ի ջարդերու ատեն*, ձեռագիր, ՀԱԱ, ֆ. 1388, ց. 1, գ. 77:

2 Տե՛ս Ա. Անտոնեան, *Քանի մը յիշողութիւններ*, «Երիտասարդ Հայաստան», Օհրակո, ԺՁ տարի, թիւ 24, յուլիս 23, 1919՝ վերաստուած «Ժողովորդի ձայն»-ից, Լոնտոն, 12 յունիս:

3 Տե՛ս Զաւէն արք. Եղիայեան, *Պատրիարքական յուշեր. Վաւերագիրներ եւ վկայութիւններ*, Գահիրէ, 1947. H. Aram, *The fall of the Aerie*, Boston, 1935. Գրիգորիս Ծ. վրդ. Պալաբեան, *Հայ Գողգոթան, դրուագներ հայ մարտիրոսագրութեան, Պետիւնէն դէպի Չօր, 1914-1920*, հտ. Ա, Վիեննա, 1922:

4 Տե՛ս Ս. Ակունի, *Միլիոն մը հայերու ջարդի ամբողջական պատմութիւնը (1914-1918)*, Կ. Պոլիս, 1921:

5 Տե՛ս Կ. Գաբրիկեան, *Եղեռնապատմ. Փոքուն հայոց եւ նորից մեծի մայրաքաղաքին Սեբաստիոյ*, Պոսթըն, 1924:

6 Տե՛ս Մ. Վարանդեան, *Մուրատ (Սեբաստացի ռազմիկի կեանքն ու գործը)*, Պոսթըն, 1931:

7 Տե՛ս Թէոդիկ, *Գողգոթա հայ հոգեւորականութեան եւ իր հօտին աղէտայի 1915 տարիին*, Նիւ Եորք, 1985:

8 Տե՛ս Յ. Սարգիսեան, *Հայկաշէն տարեգիրք արուեստներու, գրականութեանց եւ գիտութեանց*, Ա տարի. Գէորգ Մեսրոպ, *Թրքահայերն ու թուրքերը (1914-1918) անտիպ ու պաշտօնական փաստաթղթեր*, խմբ. Սարգիսեան Յ., Հայկաշէն տարեգիրք արուեստներու գրականութեանց եւ գիտութեանց, Ա տարի, Կ. Պոլիս, հրատարակութիւն «Վիլիկիա» գրավաճառանոցի, 1922:

9 R. Kévorkian, *The Armenian Genocide. A Complete history*, London, New York, 2011:

10 Տե՛ս K. Guerguerian, "41 Courts Martial - Telegrams" (2018). Adana Confiscation (Courts Martial). 38. [https://commons.clarku.edu/adana\\_court\\_martial/3](https://commons.clarku.edu/adana_court_martial/3), էջ 140:

11 Տե՛ս Աոյն տեղում, էջ 178:

12 Տե՛ս R. Kévorkian, *Աշ. աշխ.*, էջ 5:

13 Գլխով համալսարանի Հոլոքոստի ու ցեղասպանութեան ուսումնասիրութեան Սթրասպեր կենտրոնի «Գալուստեան/Մուգար» հայագիտական հետազոտութիւնների ամբոնի պրոֆէսոր Թաւնը Աքչամի կողմից նախաձեռնուած ծրագրի շրջանակներում այդ փաստաթղթերը թուայնացուել են. տե՛ս <https://commons.clarku.edu/guerguerian-archives/>:

14 Տե՛ս Զաւէն արք. Եղիայեան, *Աշ. աշխ.*, էջ 80:

15 Տե՛ս Գրիգորիս Ծ. վրդ. Պալաբեան, *Հայ Գողգոթան*, էջ 47-50:

16 Տե՛ս Զաւէն արք. Եղիայեան, *Աշ. աշխ.*, էջ 81-82:

17 Մաղաքիա Օրմանեան, *Խոհք եւ խօսք: Իր կեանքին վերջին շրջանին մէջ (Յետմահու հրատարակութիւն)*, Երուսաղէմ, տպարան Սրբոց Յակոբեանց, 1929, էջ 449:

վանքի հոգեւորական<sup>18</sup>: Կարապետ Գաբրիկեանի հետ պիտակել եւ դասաւորել է Ս. Նշան վանքի մատենանները՝ դրանք փրկելով փչացումից<sup>19</sup>: 1905-1908 թթ. եղել է Ամասիա-Մարզուկանի տեղապահ, 1908-1911 թթ.՝ Ճանիկի առաջնորդ, 1912-1914 թթ. վերջերին՝ Բրուսայի առաջնորդ<sup>20</sup>: Բրուսայի նահանգապետի կողմից ներքին գործերի նախարարութեան առաջ ամբաստանուել է որպէս մեծ յեղափոխական<sup>21</sup>:

Օղաբաշեանը պատրիարքական կոնդակով եւ կառավարութեան հրամանագրով հաստատուում է Երզնկայի առաջնորդի պաշտօնում եւ Գնէլ Գալեմքեարեանի (ստանձնել էր Սեբաստիայի առաջնորդութիւնը) հետ մեկնում Սեբաստիա՝ այնուհետեւ Երզնկա անցնելու համար<sup>22</sup>: Պատրիարքարանը ներքին գործերի նախարարութեանը տեղեկացնում է նշանակման մասին եւ տեղի իշխանութիւնների աջակցութիւնը խնդրում<sup>23</sup>, ինչից յետոյ ներքին գործերի նախարարութիւնը տեղեկացնում է զրա մասին էրզրում<sup>24</sup>:

Ներքին գործերի նախարար Թալէաթը 1914 թ. դեկտեմբերի 21-ին հեռագիր է ուղարկում Սեբաստիա, էրզրում, Տրապիզոն, Բիթլիս եւ Վան՝ տեղեկացնելով նշանակման մասին եւ յայտնում, որ վարդապետը յայտնի է քաղաքական գործունէութեամբ ու կասկածելի պահուածքով: Նա հրահանգում է տեղեկացնել ժամանման մասին ու հետեւել նրան, ապա որեւէ պատճառաբա-

նութեամբ հետ ուղարկել<sup>25</sup>: Սրան ի պատասխան դեկտեմբերի 22/23-ին էրզրումի նահանգապետ Թահսին բէյը հեռագիր է ուղարկում ներքին գործերի նախարարութիւն՝ յայտնելով, որ ինքը ճանաչում է այդ հոգեւորականին, որ նա հայ դաւաճան է եւ պնդում, որ նա մուտք չգործի արեւելեան նահանգներ: Ըստ Թահսին բէյի՝ Օղաբաշեանը պէտք է անմիջապէս հետ ուղարկուէր, եւ այդ նպատակով պէտք է հրահանգումներ տրուէին նահանգներին<sup>26</sup>: Դեկտեմբերի 22-ին Սեբաստիայի նահանգապետ Մուամմերը պատասխանում է Թալէաթին՝ տեղեկացնելով վարդապետի հասնելու մասին եւ խնդրում յետագայ ցուցումներ<sup>27</sup>:

Ներքին գործերի նախարար Թալէաթի՝ 1914 թ. դեկտեմբերի 21-ի եւ Մուամմերի՝ դեկտեմբերի 22-ի հեռագրերի օրինակները հանդիպում են թէ՛ Թուրքիայի պետական արխիւում, թէ՛ Երուսաղէմի Սրբոց Յակոբեանց արխիւում: Ուսումնասիրութեան արդիւնքում գալիս ենք այն եզրահանգման, որ փաստաթղթերը նոյնական են, եւ առնուազն այս երկու փաստաթղթերի օրինակով ապացուցւում է Երուսաղէմի արխիւում պահուող օրինակների նոյնութիւնը օսմանեան արխիւներում պահպանուող երիտթուրքական դատավարութիւնների նիւթերի հետ:

25 Տե՛ս DH.SFR 48-91, Թալէաթից Սեբաստիա, Էրզրում, Տրապիզոն, Բիթլիս եւ Վան Ասիական Ռեպուբլիկ, դեկ. 21, 1914: K. Guerguerian, "Sivas 02" (2018). Sivas. 2. <https://commons.clarku.edu/sivas/2>: R. Kévorkian, Գ. Երզն. էջ 431-432:  
 26 Տե՛ս DH.SFR 454-145, Թահսինից (Էրզրումից) Ներքին գործերի նախարարութեանը, դեկ. 22/23, 1914, պատասխան դեկտեմբերի 21-ի հեռագրին:  
 27 Տե՛ս DH.SFR 454-147, Մուամմերից (Սեբաստիայից) Ներքին գործերի նախարարութեանը, դեկ. 22, 1914, K. Guerguerian, "Sivas 02" (2018). Sivas. 2. <https://commons.clarku.edu/sivas/2>, հայերէն թարգմանությունը տե՛ս K. Guerguerian, "41 Courts Martial - Telegrams" (2018). Adana Confiscation (Courts Martial), 38. [https://commons.clarku.edu/adana\\_court\\_martial/38](https://commons.clarku.edu/adana_court_martial/38), էջ 144:

18 Տե՛ս Պատրիկ Ն. Առաքել, Պատմագիրք յուշամատենան Սեբաստիոյ եւ գաւառի հայութեան, Բուս. Ա., Պէլոսոփ, 1974, էջ 491:  
 19 Տե՛ս «Հողդար», Ա տարի, թիւ 9, յունիս. 1, 1910:  
 20 Տե՛ս Թէոդիկ, Գ. Երզն. էջ 177:  
 21 Տե՛ս Կ. Գաբրիկեան, Գ. Երզն. էջ 46:  
 22 Տե՛ս Զաւէն արք. Եղիայեան, Գ. Երզն. էջ 82:  
 23 Տե՛ս DH.EUM 2 SB 3-5, Հայոց Պատրիարքարանից Ներքին գործերի նախարարութեանը, Ադյ. 28, 1914:  
 24 Տե՛ս DH.EUM 2 SB 3-5, Ներքին գործերի նախարարութիւնից Էրզրումի Ասիական Ռեպուբլիկ, Ադյ. 30, 1914:

Վարդապետի հանրային կերպարի, պատրիարքարանի եւ ազգային գործիչների հետ մտերմիկ յարաբերութիւնների ու գործակցութեան համատեքստում այս նամակագրութիւնների բովանդակութիւնը յուշում է, որ թուրքական իշխանութիւնների կողմից Օղաբաշեանի ներկայութիւնը կայսրութեան՝ Ռուսաստանին սահմանակից արեւելեան նահանգներում ընկալուում էր որպէս սպառնալիք: Ըստ Թէոդիկի՝ իթթիհազի համոզմունքը այն էր, որ Պատրիարքարանը «առաջնորդի» դիմակի տակ կրօնաւորներ էր ուղարկում «հայութեանը յեղափոխելու» համար<sup>28</sup>: Իշխանութիւնների այս համոզմունքի մասին է խօսում է նաեւ Զաւէն պատրիարքը<sup>29</sup>: Սեբաստիայի տղամարդկանց զանգուածային բանտարկութիւնը հիմնաւորելու համար ստեղծուել էր 30,000-անոց հայկական ապստամբութեան մասին զրպարտութիւնը<sup>30</sup>, եւ, ըստ Գաբրիկեանի, շրջանառուում էր նաեւ Սահակ վարդապետի անունը<sup>31</sup>:

Ըստ հայկական աղբիւրների՝ նորանշանակ հոգեւորականները Պոլսից դէպի Սեբաստիա տանող ճանապարհին լրտեսուում են<sup>32</sup>: Սեբաստիա հասնելուց յետոյ Օղաբաշեանը, խախտելով ընդունուած կարգը, չի տեսակցում կուսակալ Մուամմերին վերջինիս պաշտօնագրերը ներկայացնելու համար<sup>33</sup>, ինչպէս նաեւ, առանց առաջնորդարան այցելելու<sup>34</sup>, ուղեւորում է իր ծնողների տուն, ուր ընդունում է բազմաթիւ բարեկամների եւ համակիրների<sup>35</sup>: Այստեղ նոյնպէս վարդապետին շարունա-

կում են լրտեսել<sup>36</sup>: Սեբաստիայից Երզնկա ուղեւորութեան համար Մուամմերը վարդապետին առաջարկում է նշանակել ուղեկցող պահակ<sup>37</sup> կամ ոստիկան-զինուոր<sup>38</sup>, ինչը Օղաբաշեանը մերժում է: Մեկնումից առաջ Օղաբաշեանը հեռագիր է ուղարկում Գարահիսարի առաջնորդ Վաղինակ վարդապետ Թորիկեանին, որպէսզի վերջինս ճանապարհին՝ Էնդիբէսի մօտ, միանայ իրեն: Ըստ Կարապետ Գաբրիկեանի՝ հանդիպման պատճառը Բուրսայում էնդիբէսի եւ Բուրզի հացագործ պանդուխտների վաստակած գումարները Վաղինակ վարդապետի միջոցով պանդուխտների ընտանիքներին յանձնելն էր, ինչը կը խնայէր Օղաբաշեանի ժամանակը<sup>39</sup>:

Մուամմերը վարդապետի սպանութիւնը կազմակերպելու համար ձեւաւորում է յանցախումբ, որի կազմի մէջ էին մտնում էմիր բեկի որդի Համիդը, Նուրիի որդի (Զառացի) Մահիրը<sup>40</sup>, չեթեբաշի էմիրն Քեհեա-Չադէ Խալիսը, Մուամմերի թիկնապահ Զելալը (Բաջանաղ օղլու)<sup>41</sup>, Բիւթուկ օղլու Հիւսէյնը եւ Զառացի Իւզբաշ օղլու Ալին<sup>42</sup>: Յանցախմբի կենտրոնական անդամներից Զառացի Մահիրը, ով 15 տարի դատաւարտուած էր, Մուամմերի հրամանով հանուել էր բանտից վարդապետի սպանութեանը մասնակցելու նպատակով<sup>43</sup>: Էմիր բեկի որդի չեթեբապետ Համիդն ունէր հայկական, թուրքական եւ չերքեզական արմատներ<sup>44</sup>: Եղել է էրզրումի

36 Նոյն տեղում:  
 37 Ս. Ակունի, Գ. Երզն. էջ 76:  
 38 Կ. Գաբրիկեան, Գ. Երզն. էջ 46:  
 39 Նոյն տեղում:  
 40 Տե՛ս Կ. Գաբրիկեան, Գ. Երզն. էջ 47. Թէոդիկ, Գ. Երզն. էջ 178. Ս. Ակունի, Գ. Երզն. էջ 76:  
 41 Տե՛ս Զաւէն արք. Եղիայեան, Գ. Երզն. էջ 82:  
 42 Տե՛ս Կ. Գաբրիկեան, Գ. Երզն. էջ 47. Թէոդիկ, Գ. Երզն. էջ 178. Ս. Ակունի, Գ. Երզն. էջ 76:  
 43 Տե՛ս Հայկազուն, Գ. Երզն. էջ 10-11. Գեորգ Մեարոյ, Գ. Երզն. էջ 121:  
 44 Նոյն տեղում, էջ 142. Սեպուհ Ակունի, Գ. Երզն. էջ 94:

28 Թէոդիկ, Գ. Երզն. էջ 179:  
 29 Զաւէն արք. Եղիայեան, Գ. Երզն. էջ 83:  
 30 Զ. Ղազարեան, Յեղասպան թուրքը, Պէլոսոփ, 1968, էջ 95:  
 31 Կ. Գաբրիկեան, Գ. Երզն. էջ 47:  
 32 Նոյն տեղում, էջ 45. Թէոդիկ, Գ. Երզն. էջ 178:  
 33 Կ. Գաբրիկեան, Գ. Երզն. էջ 45. Ս. Ակունի, Գ. Երզն. էջ 76:  
 34 Կ. Գաբրիկեան, Գ. Երզն. էջ 46:  
 35 Նոյն տեղում:

նահանգի Երզնկա գաւառակի Կամարիկ գիւղի գիւղապետ<sup>45</sup>, Սեբաստիայի նահանգի կոնսակալի թիկնապահ<sup>46</sup>: Ըստ 1915 թ. տուեալների՝ դեռեւս գտնուել է Սեբաստիայում կամ Ուզուն Եայլայում չեքքեզների մօտ<sup>47</sup>: Կովկասից ժամանած Խալիս բեկը («չէթէ րէխի»<sup>48</sup> «Թէչքիլաթ Մահսուկէի» միւլդեր, Իթթիհատի «րէխս»<sup>49</sup>) ցեղասպանութիւնից յետոյ գտնուել է Սեբաստիայում<sup>50</sup>: Ըստ Գաբիկեանի՝ Խալիս բեկը Թոնուս-Շար-Գըլլայի ճանապարհով անցնող Սամսունի, Ամասիայի, Մարզուանի, Թոզթի քարաւանների կողոպտիչ էր, տղամարդկանց ջարդարար, աղջիկ-հարսների զանգուածային վաճառող<sup>51</sup>: Յանցախմբի մէկ այլ անդամ Քիւթուկի Մեհմեդի որդի Հիւսէյնը (չեթէ)<sup>52</sup> սերտ յարաբերութիւններ է ունեցել հայերի հետ, տիրապետել է հայոց լեզուին<sup>53</sup>: Հիւսէյնի հայրը Մուամմերին պարտք է եղել 200 ոսկի, որի մարման դիմաց առաջարկել է որդուն դարձնել չեթէ<sup>54</sup>: Հիւսէյնը ունեցել է քաղաքական հակումներ եւ եղել է սուլթան Աբդուլ Համիդին քննադատող Իթթիհատականներից<sup>55</sup>: Վարդապետ Օղաբաշեանի սպանութիւնից յետոյ Հիւսէյնի մասին յիշատակում է Ալիսի հովտի գիւղերի ջարդարարութեան ժամանակ<sup>56</sup>: Յատկանշական է, որ նա մասնակից է եղել նաեւ վարդապետի սպանութեանը անմիջապէս

յաջորդած թուրք զինուորների թունաւորման դէպքին, որը, հասարակական լարումներ հրահրելու նպատակով կազմակերպուած սադրանք էր<sup>57</sup>: 1919 թ. ամռանը յայտարարուել է Հիւսէյնի սպանութեան մասին<sup>58</sup>: Արնուդ Թոյնբի հրապարակած փաստաթղթերի մէջ հանդիպում ենք Մուրադի՝ Ա. Սաֆրաստեանին տուած հարցազրոյցը, որտեղ նա նշում է յանցախմբի անդամ եւս մէկ անձի անուն՝ Չերքեզ Քեօն Քասիմ<sup>59</sup>:

Ինչպէս տեսնում ենք, վարդապետի սպանութեանը մասնակցած խմբի անդամները նախկինում աչքի են ընկել յանցաւոր գործունէութեամբ եւ յատկանշական է, որ նրանցից որոշները անմիջական առնչութիւն են ունեցել նահանգապետի հետ: Խմբի որոշ անդամներ յետագայում շարունակել են իրենց յանցաւոր գործունէութիւնը նաեւ բուն ցեղասպանական գործողութիւնների ընթացքում՝ տեղահանութիւնների փուլում: Նրանք, ստանալով «Ապահովագրական յանձնախումբ» անունանումը, իրականացրել են տեղահանութեան թալան եւ սպանութիւններ Սեբաստիա եւ Խարբերդ նահանգների սահմանադիւրի տեղակայուած Քեթիլ-Խան անցումային կայանում<sup>60</sup>:

Սեբաստիա-Երզնկա ճանապարհին Օղաբաշեանը Հաֆիզ գաւառակի Թոզորակ գիւղում իջեւանել է «հնչակեան հերոս»<sup>61</sup> Դարբինեան Բարսեղի ազարակում, իսկ Ջառայում՝ Արաբեանների բնակարա-

45 K. Guerguerian, "Military 08" (2018). Military Tribunals / Muhtelif Konular. 8. <https://commons.clarku.edu/military/8>.  
 46 Տե՛ս Հայկազուն, ԱԶ. աշխ., էջ 10-11:  
 47 Նոյն տեղում:  
 48 Բէխի Ս պետ:  
 49 Տե՛ս Կ. Գաբիկեան, ԱԶ. աշխ., էջ 592:  
 50 Տե՛ս Հայկազուն, ԱԶ. աշխ., էջ 10-11:  
 51 Կ. Գաբիկեան, ԱԶ. աշխ., էջ 142:  
 52 Տե՛ս Հայկազուն, ԱԶ. աշխ., էջ 11. Ս. Ակունի, ԱԶ. աշխ., էջ 94:  
 53 Կ. Գաբիկեան, ԱԶ. աշխ., էջ 160:  
 54 Նոյն տեղում:  
 55 Նոյն տեղում:  
 56 Նոյն տեղում:

57 Տե՛ս Կ. Գաբիկեան, ԱԶ. աշխ., էջ 592. R. Kévorkian, ԱԶ. աշխ., էջ 431-432:  
 58 Տե՛ս Ս. Լուսարարեան, ԱԶ. աշխ., էջ 162. Կ. Գաբիկեան, ԱԶ. աշխ., էջ 592:  
 59 Տե՛ս Viscount Bryce, *The treatment of Armenians in the Ottoman Empire, 1915-1916*, 1916, p. 344:  
 60 Ռ. Սուքիասեան, *Քեթիլ Խան. Սեբաստիայի տեղահանութեան ճանապարհի մի կայանի շուրջ*, «Ցեղասպանագիտական հանդէս», 6 (1), Մրեան, 2018, էջ 44-61:  
 61 Կ. Գաբիկեան, ԱԶ. աշխ., էջ 47:

նում<sup>62</sup>: Այս ընտանիքները յետագայում ենթարկուել են բռնութիւնների (Արաբեան Աւետիսը բանտում սպանուել է<sup>63</sup>): Ջառայում վարդապետը փորձել է կառք վարձել եւ այդ ծառայութիւնը մատուցելու համար ներկայացել է Խենթ Տիգրան անունով մի կառապան: Սակայն յանցախմբի անդամ Հիւսէյնը, լինելով վերջինիս ընկերը, հետ է պահել Տիգրանին այդ ճանապարհորդութիւնից՝ նրան կանխամտածուած սպանութիւնից փրկելու համար: Տիգրանի փոխարէն վարդապետի կառքը վարելու էր զառացի Առաքէլ Ասլանեան<sup>64</sup>:

Այսպիսով, 1915 թ. յունուարի 1-ին վարդապետ Օղաբաշեանը Թոզորակից ուղեւորում է Երզնկա: Ծանապարհը, որով անցնելու էր վարդապետի կառքը, նախապէս վերցւում է ժանդարմների հսկողութեան տակ, իսկ երթեւեկութիւնը սահմանփակում է<sup>65</sup>: Չաբալը եւ Գանլը Թաշ գիւղերի միջեւ<sup>66</sup> գտնուող Աղուանիս գիւղի մօտ տեղակայուած «Չոպան Թէքքէսի»<sup>67</sup> կոչուող վայրում նրա կառքի վրայ է յարձակում դարանակալ յանցախումբը եւ սպանում վարդապետին<sup>68</sup> ու նրա կառապանին<sup>70</sup>: Վեց ձիաւորից բաղկացած խումբը սպանութիւնն իրականացնում է մտուցներէից ու մարթինիներից արձակուած զինատեսակներով: Սպանութիւնից յետոյ եւս որոշ ժամանակ ճանապարհային երթեւեկութիւնը մնում է վերահսկողութեան տակ<sup>71</sup>: Մարդասպանների «ուշադ-

րութեանն է արժանացել» միայն վարդապետի ծոցագրպանի յուշատետրը<sup>72</sup>: Նոյնիսկ օսմանեան բարձրաստիճան պաշտօնեաների նամակագրութեանն ու վարդապետի հանդէպ նրանց ունեցած յատուկ վերաբերմունքին անձանօթ լինելով՝ սպանութեան այս հանգամանքից եւս կարելի է ենթադրել, որ մարդասպանների նպատակը աւելին էր, քան զուտ աւազակութիւնը<sup>73</sup>: Վարդապետի մարմինը ամբողջ գիշեր մնում է կառքի մէջ, եւ միայն յաջորդ օրն է սպանութեան լուրը հասնում մերձակայ Աղուանիս գիւղ: Շապին Գարահիսարի Առաջնորդական տեղապահ Վաղինակ վրդ. Թորիկեանը, ում հետ Օղաբաշեանը հանդիպելու պայմանաւորուածութիւն ունէր, անմիջապէս գնում է ոճիրի վայրը եւ մօտակայ Ածպտերի վանքում կազմակերպում է վարդապետի թաղումը<sup>74</sup>: Սպանութիւնից երկու օր անց՝ յունուարի 3-ին, Մուամմերը Թալէաթին ուղղուած հեռագրում հաղորդում է Օղաբաշեանի եւ կառապանի սպանութեան մասին՝ տեղեկացնելով, որ սպանութիւնն իրականացուել է անյայտ մարդկանց կողմից, եւ ինքը դէպքը հետաքննելու ու ոճրագործներին ձերբակալելու հրաման է արձակել<sup>75</sup>: Դէպքի հետաքննութեան մանրամասները եւ ոճրագործների ու Մուամմերի միջեւ եղած կապերը հանգամանօրէն ուսումնասիրուած են Գրիգոր Գերգերեանի անտիպ աշխատութեան մէջ<sup>76</sup>:

62 Թէոդիկ, ԱԶ. աշխ., էջ 178:  
 63 Կ. Գաբիկեան, ԱԶ. աշխ., էջ 47:  
 64 Նոյն տեղում:  
 65 Գ. Գալեմքեարեան, ԱԶ. աշխ., էջ 4. Պատրիկ Առաքել, ԱԶ. աշխ., էջ 6. Գեորգ Մեարոպ, ԱԶ. աշխ., էջ 120:  
 66 Գ. Գալեմքեարեան, ԱԶ. աշխ., էջ 3. Պատրիկ Առաքել, ԱԶ. աշխ., էջ 5:  
 67 Կ. Գաբիկեան, ԱԶ. աշխ., էջ 47:  
 68 Թէոդիկ, ԱԶ. աշխ., էջ 178:  
 69 Ս. Ակունի, ԱԶ. աշխ., էջ 76:  
 70 Կ. Գաբիկեան, ԱԶ. աշխ., էջ 47:  
 71 Թէոդիկ, ԱԶ. աշխ., էջ 179:

72 Ջալեմ արք. Եղիայեան, ԱԶ. աշխ., էջ 82. Գեորգ Մեարոպ, ԱԶ. աշխ., էջ 119:  
 73 Նոյն տեղում:  
 74 Ջալեմ արք. Եղիայեան, ԱԶ. աշխ., էջ 82. Թէոդիկ, ԱԶ. աշխ., էջ 179:  
 75 DH. EUM 2. ՏՅ 3-50, Մուամմերից (Սեբաստիայից) Նեքիմ գործերի Ասխարարութեանը, յունվ. 3, 1915:  
 76 K. Guerguerian, "41 Courts Martial - Telegrams" (2018). Adana Confiscation (Courts Martial). 38. [https://commons.clarku.edu/adana\\_court\\_martial/38](https://commons.clarku.edu/adana_court_martial/38):

Քանի որ սպանուածը Սեբաստիայում վայելում էր մեծ հեղինակութիւն, դէպքի մասին լուրի տարածումը յղի էր հանրային ցնցումներ առաջացնելու վտանգով: Նման զարգացումը կանխելու համար Մուսամբերը ձեռնարկում է համապատասխան քայլեր՝ անմիջապէս արգելելով մամուլում դէպքի վերաբերեալ յիշատակումը<sup>77</sup>: Սակայն լուրը կայծակնային արագութեամբ տարածում է բնակչութեան շրջանում<sup>78</sup>: Պարտադրուած գաղտնիութեան նման պայմաններում է, որ միայն օրեր անց, առանց անուանական յիշատակման<sup>79</sup>, գաղտնի կազմակերպում է վարդապետ Օդաբաշեանի հոգեհանգիստը<sup>80</sup>: Սպանուածի մօտից յայտնաբերուած դրամն ու գոյքը յանձնուած են վարդապետի մօրը՝ Տիրամայր Օդաբաշեանին<sup>81</sup>:

Ըստ Միքայէլ Վարանդեանի՝ Սահակ վարդապետը Սեբաստացի Մուրադի ամենամօտ մարդկանցից էր<sup>82</sup>: Մուրադի հետ հանդիպման ժամանակ Մուսամբերը տեղեկացնում է, որ ժամանակի հանգամանքները հաշուի առնելով՝ գաղտնի կերպով կը զբաղուի դէպքի բացայայտմամբ, ինչին Մուրադը պատասխանում է, որ եթէ ոճիրը կանխամտածուած չէ, դժուար չի լինի գտնել պատասխանատուներին<sup>83</sup>:

Այս հանդիպումից յետոյ Մուրադը սկսում է զգուշանալ Մուսամբերից. սա լինում է նրանց վերջին հանդիպումը<sup>84</sup>: Արամ Հայկազի հաղորդած տեղեկութիւններով, երբ Սահակ վարդապետի սպանութեան մասին տեղեկութիւնները Շապին

77 Կ. Գաբիկեան, Գ2. աշխ., էջ 48:  
 78 Նոյն տեղում:  
 79 Կ. Գաբիկեան, Գ2. աշխ., էջ 48:  
 80 Նոյն տեղում. Թէոդիկ, Գ2. աշխ., էջ 179. Ս. Ակունի, Գ2. աշխ., էջ 76. Ս. Լուսարարեան, Գ2. աշխ., էջ 143:  
 81 Թէոդիկ, Գ2. աշխ., էջ 179:  
 82 Մ. Վարանդեան, Մորաւտ (Սեբաստացի ոսգմիկիս կեանքն ու գործը), 1931, էջ 211:  
 83 Նոյն տեղում, էջ 211:  
 84 Նոյն տեղում:

Գարահիսար են հասնում, կասկածից վեր է դառնում, որ մօտ ապագայում սպասուած էին բախումներ: Վաղինակ վարդապետը հրաւիրում է Դաշնակցութեան եւ Վերակազմեալ հնչակեանների մասնակցութեամբ ժողով: Առանց երկար բանավէճերի, ժողովը գալիս է այն եզրահանգման, որ բախումները անխուսափելի են, եւ դրանց պէտք է անմիջապէս նախապատրաստուել<sup>85</sup>:

Ինչպէս կարել է տեսնել, Օդաբաշեանի՝ «առաջին նահատակի»<sup>86</sup> սպանութիւնը ազդակ էր Սեբաստիայի հայութեան կրօնական եւ քաղաքական շրջանակների համախմբման համար:

Թորիկեանը եղելութեան մասին հեռագիր է ուղարկում ազգային առաջնորդարան, որն էլ իր հերթին տեղեկութիւնը փոխանցում է պատրիարքարանին<sup>87</sup>: Զաւէն պատրիարքն իր յուշերում արձանագրում է այս տեղեկագրի՝ գրաքննութիւնից վրիպելու տարօրինակ փաստը<sup>88</sup>: Այս «անեղծուածը» յետագայում բացայայտուած է Արամ Անտոնեանի խոստովանութեամբ: Անտոնեանը այս ժամանակահատուածում աշխատում էր օսմանեան գինուորական գրաքննութիւնում, եւ նրա ձեռքն էին անցել Սղերդի ջարդի ու Սահակ Վարդապետի սպանութեան մասին տեղեկութիւնները, որոնց բովանդակութիւնը նա հաղորդում է պատրիարքարանին<sup>89</sup>: Պատրիարքը բողոքագիր-թագրիր է ուղղում կառավարութեանը գործը բացայայտելու համար, սակայն այն մնում է անպատասխան<sup>90</sup>: Սեբաստիայում նոյնպէս հոգեւոր առաջնորդները ձեռնարկում են սպանութեան բացայայտմանն ուղղուած քայլեր: Գնէլ

85 Aram Haigaz, *The fall of the Aerie*, Boston, 1935, p. 35.  
 86 Զաւէն արք. Եղիայեան, Գ2. աշխ., էջ 82:  
 87 Կարապետ Գաբիկեան, Գ2. աշխ., էջ 48:  
 88 Զաւէն արք. Եղիայեան, Գ2. աշխ., էջ 82:  
 89 Ա. Անտոնեան, Գ2. աշխ.:  
 90 Զաւէն արք. Եղիայեան, Գ2. աշխ., էջ 82:

Գալեմքեարեանը, տեղեկանալով սպանութեան մասին, իսկոյն դիմում է Մուսամբերին՝ պահանջելով մանրագնին քննութիւն եւ ոճրագործների պատիժ: Մուսամբերը պատասխանում է, որ տրուած են համապատասխան ցուցումներ: Իր ունեցած տեղեկութիւնները Գալեմքեարեանը հաղորդում է Պատրիարքարանին եւ իմանում, որ Պատրիարքարանը այդ հարցով արդէն դիմել է Բ. Դուսնը<sup>91</sup>: Պատրիարքարանը երկրորդ անգամ է բողոք ուղարկում, որը նոյնպէս մնում է անպատասխան<sup>92</sup>:

Եզրակացութիւն

Այսպիսով, Սահակ վարդապետ Օդաբաշեանի սպանութիւնը նախացեղասպանական փուլում Սեբաստիայի առաջին քաղաքական սպանութիւններից էր, որի կազմակերպման եւ քողարկման մէջ ներգրաւուած են եղել բարձրաստիճան պաշտօնեաներ, այդ թւում՝ ներքին գործերի նախարարը, Սեբաստիայի նահանգապետը եւ այլք: Թուրք բարձրաստիճան պաշտօնեաների կողմից վարդապետը ընկալուած էր որպէս սպառնալիք՝ հաշուի առնելով նրա ներգրաւուածութիւնը ազգային կառոյցների գործերում եւ պատերազմի ընթացքում նրա նշանակումը Արեւմտեան Հայաստանում:

Սահակ Օդաբաշեանի սպանութեան պատմութեան վերականգնման այս փորձը ցոյց է տալիս հայկական եւ օսմանեան աղբիւրների համադրման կարեւորութիւնը պատկերի ամբողջականացման համար: Մինչ օսմանեան աղբիւրները կարեւորագոյն դեր ունեն կայսերական որոշումների կայացման եւ դրանց կիրարկման գործընթացները հասկանալու համար, հայկական աղբիւրները համարժէք կարեւորութիւն ունեն տեղում կատարուող իրադարձութիւնների նկարագրման համար: Օդաբաշեանի սպանութեանը նախորդող օսմանեան բարձրաստիճան պաշտօնեաների գրադրութեան օրինակները պահուած են Երուսաղէմի Սրբոց Յակոբեանց եւ Թուրքիայի պետական արխիւներում: Այս յօդուածում Սահակ Օդաբաշեանի սպանութեանն առնչուող նիւթերի քննութիւնը, որի ընթացքում համեմատուել են վերը նշուած երկու արխիւներում պահպանուող փաստաթղթերը, առնուազն այս դէպքի մասով վկայում են դրանց նոյնութիւնը:

91 Գ. Գալեմքեարեան, Գ2. աշխ., էջ 3. Պատրիկ Առաքել, Գ2. աշխ., էջ 5:  
 92 Զաւէն արք. Եղիայեան, Գ2. աշխ., էջ 82: